



Broj: 01/7-02-833/22-1
Sarajevo, 31.05.2022. godine

Primljeno: 31-05-2022			
Org. jed.	Broj	Priloga	Vrijednos

PREDSTAVNIČKOM DOMU PARLAMENTA FEDERACIJE BiH

Dana 30.05.2022. godine održana je 8. sjednica Komisije za informisanje Predstavničkog doma Parlamenta Federacije Bosne i Hercegovine (u daljem tekstu: Komisija). Sjednici Komisije prisustvovalo je 6 od ukupno 11 članova Komisije, tako da su ispunjeni uslovi za punovažan rad u pogledu kvoruma i odlučivanja.

Pored članova Komisije, sjednici su prisustvovali i predstavnici Federalne radio-televizije, kao i predstavnik Delegacije Evropske unije u BiH.

Za sjednicu je predložen i jednoglasno usvojen sljedeći

DNEVNI RED

1. a) Izvještaj o radu i poslovanju RTVFBiH za period januar – decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31.12.2018. godine,
b) Izvještaj o radu i poslovanju za period januar – decembar 2019. godine i Finansijski izvještaj za period koji se završava na dan 31.12.2019. godine i Izvještaj nezavisnog revizora.

Komisija nakon jednoglasno usvojenog dnevnog reda podnosi sljedeći

IZVJEŠTAJ

- Ad-1 a) Izvještaj o radu i poslovanju RTVFBiH za period januar – decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31.12.2018. godine,**
b) Izvještaj o radu i poslovanju za period januar – decembar 2019. godine i Finansijski izvještaj za period koji se završava na dan 31.12.2019. godine i Izvještaj nezavisnog revizora

Uvodno izlaganje dao je Džemal Šabić – direktor Federalne radio-televizije i upoznao prisutne članove Komisije sa dostavljenim Izvještajima. Nakon uvodnog



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

izlaganja, uslijedila je vrlo žustra rasprava tokom koje su članovi Komisije iznijeli svoje primjedbe, prijedloge i sugestije.

Na kraju, Komisija je pristupila glasanju o predloženim zaključcima, te u skladu sa članom 49. Poslovnika Predstavničkog doma, prvi zaključak nije dobio potrebnu većinu, jer je bilo 4 glasa „za“ i 2 glasa „protiv“, tako da Komisija za informisanje nije prihvatila Izvještaj o radu i poslovanju RTVFBiH za period januar – decembar 2018. godine i Finansijski izvještaj sa mišljenjem Nezavisnog revizora za godinu koja završava na dan 31.12.2018. godine, Izvještajo radu i poslovanju za period januar – decembar 2019. godine i Finansijski izvještaj za period koji se završava na dan 31.12.2019. godine i Izvještaj nezavisnog revizora.

Također, Komisija je predložila i jednoglasno usvojila drugi zaključak, a koji glasi:

2. Pozivaju se svi distributeri audiovizuelnih medijskih usluga i medijskih usluga radija (svaki kablovski, IPTV, i satelitski distributer registrovan u Bosni i Hercegovini), da distribuiraju i pozicioniraju programe javnih RTV servisa Bosne i Hercegovine (BHRT, RTRS, RTV Federacije BiH) na prvih devet (9) pozicija/kanala u svojoj programskoj ponudi.
Poziva se Regulatorna agencija za komunikacije BiH (RAK BiH) da u skladu s ovim Zaključkom upotpuni svu potrebnu regulativu i poduzme sve aktivnosti kako bi se u skladu sa evropskim standardima dokinula diskriminatorsna praksa prema Javnim Servisima u BiH.

Komisija će tražiti da se o ovom Zaključku izjasni Predstavnički dom Parlamenta Federacije BiH.

U skladu sa članom 53. Poslovnika Predstavničkog doma Parlamenta Federacije BiH za izvjestioca je određen Asim Kamber, predsjednik Komisije.

PREDSJEDNIK KOMISIJE
Asim Kamber, s.r.